

ҚУВАСОЙ АДИРЛАРИДА БОҒЛАР ЯРАТИЛАДИ

Қува ва Қувасойни қақраб ётган қир-адирлар ажратиб туради. Илгарилари бу ерда дәхқончилик қиласыз, деб уриниб күрганлар. Аммо сув таъминотидаги муаммолар туфайли орзулар амалга ошмаган.

Бугун, 7 сентябрь куни Фарғона вилояти ҳокими Шуҳрат Ғаниев ана шу қуёш тиғидан куйган адирларга бориб у ерда бошланган ишлар билан танишди.

- Салкам 2000 гектар майдонда мевали дараҳтлар, кам сув, масалан мош, ловия каби экинлар әкамиз, - дейди вилоят ҳокими. - Дастваб бу ерга сув чиқарамиз, сўнг 5-10 сотихдан ёшлар, ёш оиласарга бўлиб берамиз.

Ҳозир вилоят электр тармоқлари идораси мутахассислари бетондан устунлар ўрнатишяпти. Экскаваторлар эса бўлажак ариқ ўринларини лойиҳада белгиланган жойларда қазимоқда.

- Мен асли тракторчиман. Фермер хўжалигида ишлайман. Бу ерлар ўзлаштирилаётганини, вилоят ҳокими ўзи иш бошида экани ва мен каби ёш оиласарга томорқа-ер берилишини эшитиб келдим, - дейди Отажон Раҳмонбердиев. – Ўзим кўчатчилик билан ҳам шуғулланаман. Ҳали кўрасиз бу ерларнинг тупроғи серҳосил, фақат сув керак, тез орада гўзал боғлар яратамиз.

Қувасой адирларидан таралаётган қудратли техникалар шовқини узоқ-узоқларга етиб борди. Энди Тошлок, Қува ва Қувасойлик ёшлардан биринчи босқичда 2000, кейин яна 3 минг нафари ўзининг қишлоқ хўжалиги, боғдорчиликка асосланган бизнесини бошлайди.

- Қувасойда раҳбар бўлиб ишлаган Маматқул Раҳматов, Шуҳрат Аҳмедов каби етакчилар ҳам бу жойларни ўзлаштироқчи бўлганлар, лекин техника, маблағ ва рағбат бўлмаган, - дейди Қувасой шаҳри ҳокими Равшан Раҳимжонов. – Бугун эса буларнинг барчаси бор ва энг муҳими, қалбимиз эзгу ниятга йўғрилган.

Фарғона вилояти ҳокимлиги Ахборот хизмати.

Facebook, Telegram, Веб сайт, YouTube

2020-09-07 19:06:33